



## VISOKO Otkrivena laboratorija za proizvodnju marihuane

VISOKO - Pripadnici **SIPA** u Visokom otkrili su laboratoriju za proizvodnju marihuane s oko 150 saksija stabljika skanka, a u akciji je uhapšena jedna osoba zbog postojanja osnova sumnje da je počinila krivično djelo neovlaštena proizvodnja i stavljanje u promet opojnih droga.

Kako je saopšteno iz **SIPA**, akcija je sprovedena u petak u saradnji s policijskim službenicima MUP-a Republike Srpske i MUP-

a Zeničko-dobojskog kantona. Iz **SIPA** nisu naveli inicijale uhapšene osobe. Naveli su da su postupajući po naredbama Kantonalnog tužilaštva Zeničko-dobojskog kantona i Opštinskog suda u Visokom policijski službenici **SIPA** u Visokom pretresli jedan stambeni objekat, prilikom čega su otkrili laboratoriju za proizvodnju marihuane u vještačkim uslovima, te privremeno oduzeli oko 150 saksija sa stablji-



kama skanka u završnom stadijumu sazrijevanja. Takođe i sisteme za navodnjavanje, zagrijavanje, osvjetljenje i dovod vazduha.

"Nakon kriminalističke obrade u prostorijama **SIPA**, uhapšena osoba će biti predata u

dalju nadležnost Kantonalnog tužilaštva Zeničko-dobojskog kantona", naveli su u **SIPA**. Dodaju da policijski službenici **SIPA** nastavljaju aktivnosti u okviru ovog predmeta.

L.J.R.